



Ofisina Sentral di Statistik

WTC, Piscaderabay z/n

Tel: +5999 839 2300

WhatsApp: +5999 5202227

E-mail: info@cbs.cw

www.cbs.cw

<https://curacaodata.cbs.cw/>

<http://digitallibrary.cbs.cw/>

<https://www.facebook.com/cbscur/>

KOMUNIKADO PA PRENSA

Willemstad, 30 di mei 2023

CBS ta presentá riba su wepsait informashon nobo tokante e uso di platformanan di medio sosial pa Kòrsou pa aña 2022

Willemstad – Ofisina Sentral di Statistik (CBS) Kòrsou a tene Enkuesta di Forsa Laboral (AKO) na Kòrsou entre òktober 2022 pa febrüari 2023. Durante di Enkuesta Forsa Laboral di 2022 a añadí 3 pregunta tokante e siguiente tópiconan: Medionan Sosial, koheshon Sosial i Pobresa.

Awe CBS ta presentá algun resultado di Uso di plataforma di medio sosial na Kòrsou pa aña 2022:

E sinku plataformanan di medionan sosial mas usá na Kòrsou na 2022, tabata **WhatsApp** (80,5%), **YouTube** (71,6%), **Facebook** (62,1%), **Messenger** (49,2%) i **Instagram** (37,8%). En general, uso di tur plataforma di medio sosial a subi bou di e poblashon di 5 aña p'ariba.

Uso di medio sosial pa kada sekso

En general, no tin masha diferensia den uso di e plataformanan di medio sosial a base di sekso. Ta pa e plataforma Pinterest so tin un diferensia grandi entre e kantidat di hende muhé i hende hòMBER di e poblashon ku ta us'é. Mas tantu hende muhé (26,7%) ta usa Pinterest kompará ku hende hòMBER (11,6%).

Aki ta sigui un deskripshon mas detayá di e sinku plataformanan di medio sosial mas usá na Kòrsou
WhatsApp ta e plataforma di medio sosial mas usá na Kòrsou. Uso di WhatsApp a subi di 67,0% na 2017 te 80,5% na 2022. Uso di e plataforma akí ta kasi igual bou di tur grupo di edat.

YouTube ta e di dos plataforma mas usá. Su uso a subi mas ku di e otro plataformanan, un oumento di 20,4% entre 2017 i 2022. Na tur, 71,6% di esnan enkuéstá a bisa ku nan ta usa e plataforma akí, kompará ku 51,5% na 2017. E gruponan di edat for di 06-14 aña te ku esun di 35-44 aña ta usa e plataforma akí un poko mas ku e gruponan di edat mas haltu.

Den e último 6 añanan, uso di **Facebook** a stabilisá un poko, aunke ainda e ta un di e medionan sosial mas usá bou di adulto na Kòrsou: 44,3% na 2023, kompará ku 55,5% na 2017. Algu remarkabel ta e oumento bou di e grupo di edat di 55-64 aña, di 25,6% na 2017 pa 68,5% na 2022.

Messenger a krese ku 1,8% entre e dos momentonan ku a midi su uso; di 47,4% na 2017 pa 49,2% na 2022. E gruponan di edat di 15-24, 25-34 i 35-44 aña ta esunnan ku mas tantu ta usa e plataforma akí. Tin un oumento leve den uso di e plataforma Instagram, di 21,5% na 2017 pa 37,8% na 2022. E gruponan di edat ku ta usa Instagram ta di 15-24 (82,0%) i di 25-34 aña (72,3%).

Plataformanan di medio sosial impopular na Kòrsou, na 2022

E dos plataformanan di medio sosial ménos popular na Kòrsou ta Twitter i LinkedIn. Na 2017 tambe nan tabata e dos plataformanan ménos usá. Pero uso di tur dos plataforma a oumentá: tog si, Twitter, di 8,5% na 2017 pa 11,2% na 2022, i LinkedIn di 6,0% (2017) pa 10,8% na 2022. Pa tur dos plataforma, e gruponan di edat ku mas a usa nan ta esun di 15-24 aña i esun di 25-34 aña.

Mas informashon

Por haña un bista di uso di tur plataforma di medio sosial a base di sekso i edat den e tabèlnan na <https://www.cbs.cw/usage-of-social-media-platforms-in-curacao>.